



28 Mac 2013
28 March 2013
P.U. (A) 106

WARTA KERAJAAN PERSEKUTUAN

FEDERAL GOVERNMENT GAZETTE

PERINTAH KILANG DAN JENTERA (PENGECCUALIAN KEPADA PETROLIAM NASIONAL BERHAD) 2013

FACTORIES AND MACHINERY (EXEMPTION TO PETROLIAM NASIONAL BERHAD) ORDER 2013



DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA KILANG DAN JENTERA 1967

PERINTAH KILANG DAN JENTERA (PENGECUALIAN KEPADA PETROLIAM NASIONAL BERHAD) 2013

PADA menjalankan kuasa yang diberikan oleh subseksyen 55(3) Akta Kilang dan Jentera 1967 [*Akta 139*], Menteri membuat perintah yang berikut:

Nama

1. Perintah ini bolehlah dinamakan **Perintah Kilang dan Jentera (Pengecualian kepada Petroliam Nasional Berhad) 2013**.

Pengecualian

2. Semua jentera luar pesisir yang dimiliki oleh Petroliam Nasional Berhad, yang disebut dalam seksyen 3 Akta Kemajuan Petroleum 1974 [*Akta 144*], dikecualikan daripada pemakaian seksyen 19 dan 36 Akta Kilang dan Jentera 1967 [*Akta 139*], dan Peraturan-Peraturan (Pemberitahu, Perakuan Kelayakan dan Pemeriksaan) Kilang dan Jentera 1970 [*P.U. (A) 43/1970*].

Syarat pengecualian

3. Pengecualian di bawah perenggan 2 adalah tertakluk kepada syarat yang berikut:
 - (a) Petroliam Nasional Berhad hendaklah melibatkan Jabatan Keselamatan dan Kesihatan Pekerjaan dalam perancangan kerja tahunannya mengenai apa-apa perkara yang berhubungan dengan keselamatan dan kesihatan pekerjaan;
 - (b) Petroliam Nasional Berhad hendaklah mengemukakan perancangan kerja tahunannya termasuk penetapan petunjuk keselamatan dan kesihatan pekerjaan kepada Jabatan Keselamatan dan Kesihatan Pekerjaan pada setiap tahun bagi maksud pemantauan;

- (c) PetroliaM Nasional Berhad hendaklah melibatkan Jabatan Keselamatan dan Kesihatan Pekerjaan dalam tiap-tiap aktiviti penentusahan di peringkat pengurusan tertinggi bagi pelaksanaan Sistem Pengurusan Keselamatan dan Kesihatan Pekerjaan;
- (d) Satu Jawatankuasa Kerja Bersama yang anggotanya adalah daripada Jabatan Keselamatan dan Kesihatan Pekerjaan dan PetroliaM Nasional Berhad hendaklah ditubuhkan bagi maksud komunikasi, perbincangan dan membuat keputusan mengenai apa-apa perkara yang berhubungan dengan keselamatan dan kesihatan pekerjaan, dan penyenggaraan dan pemeriksaan jentera luar pesisir;
- (e) PetroliaM Nasional Berhad hendaklah memberi Jabatan Keselamatan dan Kesihatan Pekerjaan hak untuk menentukan dan mengesahkan pemeriksa yang layak untuk memeriksa integriti jentera;
- (f) PetroliaM Nasional Berhad hendaklah membenarkan Jabatan Keselamatan dan Kesihatan Pekerjaan untuk menjalankan audit atau pemeriksaan ke atas mana-mana premis pada bila-bila masa demi kepentingan keselamatan dan kesihatan pekerjaan;
- (g) PetroliaM Nasional Berhad hendaklah melibatkan Jabatan Keselamatan dan Kesihatan Pekerjaan dalam tiap-tiap perancangan dan pelaksanaan aktiviti penutupan dan pembaikpulihan jentera luar pesisir; dan
- (h) PetroliaM Nasional Berhad hendaklah bekerjasama dengan Jabatan Keselamatan dan Kesihatan Pekerjaan bagi apa-apa maksud berhubung dengan keselamatan dan kesihatan pekerjaan luar pesisir.